
ВИЛОЯТ ҲОКИМИНИНГ ЛАТВИЯНИНГ ISMA УНИВЕРСИТЕТИ ВАКИЛЛАРИ БИЛАН УЧРАШУВИДА ISIC – ХАЛҚАРО ТАЛАБАЛАР ИДЕНТИФИКАЦИЯ КАРТАСИНИ ВИЛОЯТДА ОММАЛАШТИРИШ ҲАМДА ВИЛОЯТ БИЗНЕС СУБЪЕКТЛАРИНИ ISIC РЕЕСТРИГА КИРИТИШ МАСАЛАСИ МУҲОКАМА ҚИЛИНДИ

Вилоят ҳоқими Хайрулло Бозоров Латвиянинг ISMA университети вакиллари қбул қилди.

ISMA университети президенти, академик Роман Дьякон, Латвия ҳукумати вакили, профессор Сандра Плата ва ISIC -ҳалқаро талабалар идентификация тизими эксперти Саните Ругина учрашув аввалида самимий қабул учун миннатдорчилик билдирдилар ва университет жамоасига вилоят раҳбарлари томонидан мунтазам кўмак ва эътибор кўрсатиб келинаётганлигидан мамнун эканликларини алоҳида қайд этдилар.

Меҳмонлар вилоят раҳбарига Фарғонада ёшлар таълим туризмни ривожлантириш ва вилоятнинг хизмат кўрсатиш ва ишлаб чиқариш бизнесини халқаро бозорларда тарғиб қилиш мақсадида вилоят субъектларини ISIC – Халқаро талабалар идентификация картаси реестрига киритиш бўйича режалаштирилаётган лойиҳа бўйича маълумот беришди. Лойиҳа доирасида шунингдек, вилоятдаги олий ва ўрта-махсус таълими муассасалари талабалари, мактаб ўқувчилари орасида ушбу ID-кارتани оммаштириш ҳамда келгусида “ISIC Uzbekistan” ваколатхонасини Фарғона шаҳрида жойлаштирилишига эришиш мақсад қилинган.

12 ёшдан катта мактаб ўқувчилари ҳамда талабалар учун мўлжалланган ISIC (International Student Identity Card) — Халқаро талабалар идентификация картаси дунёнинг 127 мамлакатида амал қилади ҳамда савдо дўконлари, овқатланиш шаҳобчалари, китоб дўконлари, таълим курслари, музейлар ва бошқа турдаги дунё бўйлаб жами 42 мингдан зиёд субъектларда турли чегирмалар тақдим этади. Шунингдек, мамлакат ичи ва хорижга сафарларда транспорт (авиа, темир йўл, автобус) ва меҳмонхона хизматларидан фойдаланишда сезиларли чегирмалар олиш имконини беради.

ISIC картаси ўқувчи ва талабаларга кутубхоналардан ва ахборот интернет ресурсларидан бепул фойдаланишга ҳам имконият яратади.

Учрашувда шунингдек, ISMA университети фаолиятини янада кенгайтириш жонлантириш, олий таълим ривожининг жаҳон тажрибасини жорий этган ҳолда юқори малакали мутахассислар тайёрлаш даражаси ва сифатини янада ошириш, олийгоҳ учун зарур замонавий инфратузилма ва моддий-техника базасини ривожлантириш борасида ҳам сўз борди.

[Бизни ижтимоий тармоқларда кузатинг Facebook,](#)
2021-11-24 12:37:24